



Departement für Infrastruktur, Energie und Mobilität Graubünden  
Departament d'infrastructura, energia e mobilitad dal Grischun  
Dipartimento infrastrutture, energia e mobilità dei Grigioni

Ringstrasse 10  
7001 Cuiria  
Telefon +41 81 257 36 14  
www.diem.gr.ch  
info@diem.gr.ch

25 da mars 2024

communitgà ils:

27. MRZ. 2024

## DISPOSIZIUN DAL DEPARTAMENT

(Ual da Suden; mesiras dal dretg da pestga en cas d'eveniments spezials)

### I. Fatgs

Ils 2 da mars 2023 han ins constatà en l'Ual da Suden (Val Schons) ina contaminaziun da l'aua sco er peschs morts. Scleriments ed ina pestga da controlla tras l'Uffizi da chatscha e pestga (UCP) suenter l'eveniment han mussà, che la populaziun da peschs ha pati massivamain en quest ual lateral tranter il lieu d'inducziun da la puschina e la sbuccada en il Rain Posterior. In'ulteriura controlla dal dumber da peschs curt suenter l'eveniment ha mussà, che la populaziun da peschs è vegnida eliminada cumpletamain en il traject pertutgà e ch'i n'èn avant maun er nagins peschs pitschens. Per il restabiliment resp. la regeneraziun natirala da la populaziun da peschs èsi tenor il UCP absolutamain necessari da sistir l'utilisaziun tras la pestga en la part da l'ual pertutgà per in temp illimità.

### II. Consideraziuns

1. Tenor l'art. 41 al. 1 da l'Ordinaziun davart il manaschi da pestga (Prescripziuns da pestga [PP; DG 760.155]) po il Departament d'infrastructura, energia e mobilitad concluder excepziuns per las auas respectivas areguard ils utensils da pestga, las metodas da pestgar, ils temps da pestga, las mesiras dals peschs ed ils dumbers da peschs che dastgan vegnir pigliads per regular la populaziun cun cleras intenziuns e da durada limitada en l'interess da la pestga e per mantegnair la diversitad da las spezijs. Las regulaziuns correspondentas ston vegnir publicgadas en il Fegl uffizial dal chantun (art. 41 al. 2 PP).
2. En il cas qua avant maun han ins constatà – suenter ina contaminaziun da l'aua ils 2 da mars 2023 en l'Ual da Suden – ina muria da peschs cumpletta. Per pudair schanegiar la populaziun da peschs vulnerabla suenter la muria da peschs e per pudair promover il restabiliment da la populaziun da peschs, èsi inditgà da decretar ina disposiziun speziala resp. in scumond general d'ir a pestga tenor l'art. 41 al. 1 PP che vala a partir dal 1. da matg 2024, fin ch'el vegn revocà per l'ual pertutgà.

### III. Decisiun

Suenter avair gi invista dals documents decisivs e sa basond sin l'art. 41 al. 1 da l'Ordinaziun davart il manaschi da pestga (Prescripziuns da pestga [PP; DG 760.155]) sco er sin las ponderaziuns qua survart

**dispona il Departament d'infrastructura, energia e mobilitad:**

1. Per l'Ual da Suden en la Val Schons (senza atgna statistica da pestga) vala a partir dal 1. da matg 2024 in scumond general d'ir a pestga, fin che tal vegn revocà.
2. Las regulaziuns spezialas per l'Ual da Suden ston vegnir publitgadas en il Fegl uffizial dal chantun.
3. Cunter questa disposiziun poi vegnir fatg recurs en scrit e cun motivaziun tar la Dretgira administrativa dal Grischun, Obere Plessurstrasse 1, 7000 Cuir, entaifer 30 dis dapi la comunicaziun (art. 49 al. 1 lit. c da la Lescha davart la giurisdicziun administrativa [LGA; DG 370.100]). Il recurs sto cuntegnair ina pretensiun da dretg, ils fatgs ed ina motivaziun. La disposiziun contestada sco er eventuals meds da cumprova ston vegnir agiuntads.
4. Comunicaziun a:
  - Vischnanca da Muntogna da Schons, Farden 40, 7433 Donat
  - Uffizi da chatscha e pestga
  - Departament d'infrastructura, energia e mobilitad

Departament d'infrastructua, energia  
e mobilitad dal Grischun

La scheffa:



Dr. Carmelia Maissen, cussegliera guvernativa